



## EPSKE GUME

pretvarala sam se  
 i bila sam providna  
 povodljiva sam  
 i labilna  
 možda se i sada pretvaram  
 da li će iko  
 uspjeti  
 da pročita sliku  
 o debelom četniku  
 koji tuca kelnericu  
 u prljavoj čevabdžinici  
 uz vonj luka  
 i nacionalne himne  
 otpozadi  
 kuda smo zapravo išle?  
 da li smo vjerovale  
 da će autoput  
 završiti  
 bakinom kuhinjom i  
 majčinom suknjom?  
 nije bilo znakova  
 pored puta  
 i mit je mogao  
 nesmetano  
 da se nastavi  
 a ja sam mogla  
 da se pretvaram  
 u retrovizoru  
 mogla sam da budem heroj  
 ili Lolita  
 ili ona kelnerica  
 mogla sam da obrubim usne  
 iscrtam oči  
 i dahćem deseterce  
 mogla sam da izvučem  
 očev pištolj

i dokrajčim suvozača  
 mogla sam da vidam  
 rane po polju  
 noseći crveni wonderbra  
 a mogla sam  
 jednostavno  
 i da mu popušim  
 nije bilo znakova  
 pored puta  
 da li smo stvarno mislite  
 da će ići okolo  
 dovjeka?  
 tebe su tucali  
 ustaše  
 na nekom bračkom kamenu  
 i ti si bila dobra  
 mala sirena  
 crvenih usana  
 i bijelih obraza  
 kao kvadratići  
 uživala si  
 svršila si  
 ali to nije bilo politički korektno  
 pa si se pretvarala  
 imale smo sve  
 što je bilo potrebno  
 svjetlucave nokte  
 kokakolu u staklu  
 i zvijezdu na dupetu  
 odsutnog oca  
 i tužnu majku  
 Veliku Naciju  
 i malu zemљu  
 na kraju su nas udavile  
 crvene marame  
 oko grla

oko zglobova  
na king size krevetu  
nekog matorog sado-mazo kretena  
pobjegle smo  
ti si ponijela  
samo jednu kasetu Tajči  
i 6 jednokratnih brijača  
za svoje „klasje balkansko“  
ja sam ponijela  
dedin lovački nož  
i 6 kutija kondoma  
za svoju plastičnu utrobu  
i gdje ćemo sad,  
mala moja blondina?  
gdje, koji kurac, gonimo?  
hajde da se pretvaramo  
ja ću biti heroj  
a ti zahvalna odmetnica  
među mojim nogama  
hajde da puštamo Tajči  
i vjerujemo  
kako nas na kraju puta  
čekaju naše osramoćene bake  
i odlutali očevi  
kako su sve vrijeme  
bili tamo  
kako su pripremali  
grandiozni doček  
sa lampionima  
šampitama  
i pionirima  
za dvije razdjeličene  
balkantreš kelnerice  
hajde  
daj mi jedan mlječni poljubac  
i ne bacaj konzerve niz put